



XUNTA DE GALICIA



**CONVENIO DE COLABORACIÓN ENTRE A VICEPRESIDENCIA E
CONSELLERÍA DE PRESIDENCIA, ADMINISTRACIÓNS PÚBLICAS E
XUSTIZA (SECRETARÍA XERAL DA IGUALDADE), O COLEXIO OFICIAL DE
ADMINISTRADORES DE FINCAS DE GALICIA E AGAXEN, ASOCIACIÓN
GALEGA DE PROFESIONAIS DA AUDITORIA SOCIOLABORAL DE XÉNERO
E DA PREVENCIÓN DO ACOSO E DA VIOLENCIA DE XÉNERO NAS
ORGANIZACIÓNS, PARA A PREVENCIÓN DA VIOLENCIA DE XÉNERO E O
ACOSO SEXUAL NO ENTORNO VECIÑAL**

A Coruña, 20 de xullo de 2018

REUNIDOS

Dunha banda, Alfonso Rueda Valenzuela, Vicepresidente e Conselleiro de Presidencia, Administracións Públicas e Xustiza, actuando en nome e representación da Xunta de Galicia, en virtude do Decreto 148/2016, do 13 de novembro, polo que se nomean os titulares dos departamentos da Xunta de Galicia, no exercicio das facultades que lle confire o artigo 34 da Lei 1/1983, do 22 de febreiro, reguladora da Xunta e da súa presidencia.

Doutra, o Colexio Oficial de Administradores de Fincas de Galicia (COAFGA), CIF Q1567001A, representado neste acto por D Martín Bermúdez de la Puente González del Valle, que actúa en nome e representación de COAFGA, en virtude da súa condición de Presidente, de acordo co nomeamento outorgado segundo o disposto nos artigo 3 dos seus estatutos

E doutra, AGAXEN, Asociación Galega de Profesionais da Auditoría Sociolaboral de xénero e da Prevención do Acoso e da Violencia de Xénero nas Organizacións, inscrita no



XUNTA DE GALICIA



registro de entidades prestadoras de servizos sociais co nº E6757, e co CIF G94161833, representada neste acto por Dña María Ángeles Garcí Pérez, que actúa en nome e representación da mesma, en virtude da súa condición de representante legal, de acordo co nomeamento outorgado segundo o disposto nos artigos 20 e 21 dos seus estatutos.

Todas as partes recoñécense a súa capacidade para obrigarse e acordar e,

EXPOÑEN

Primeiro.

Que a Comunidade Autónoma de Galicia ostenta competencias exclusivas en materia de asistencia social, de conformidade co disposto no artigo 27.23 do Estatuto de Autonomía de Galicia (Lei Orgánica 1/1981, do 6 de abril), e nos Reais Decretos de Transferencia 2411/1982, do 24 de xullo e 534/1984, do 25 de xaneiro.

Segundo.

Que a Vicepresidencia e Consellería de Presidencia, Administracións Públicas e Xustiza, a través da Secretaría Xeral da Igualdade, ten entre as súas competencias impulsar as actuacións conducentes á promoción da igualdade e á eliminación da discriminación entre mulleres e homes, así como á eliminación da violencia de xénero nos termos establecidos na Constitución, no Estatuto de Autonomía de Galicia, na Lei 7/2004, do 16 de xullo, para a igualdade de mulleres e homes, na Lei 11/2007, do 27 de xullo, galega para a prevención e o tratamento integral da violencia de xénero, e na demais lexislación aplicable na materia.



XUNTA DE GALICIA



Terceiro

Que a Lei 11/2007, galega para a prevención e o tratamento integral da violencia de xénero, modificada pola Lei 12/2016, do 22 de xullo, recolle no seu artigo 3 apartado c) que o acoso sexual é unha forma de violencia de xénero.

Cuarto

Que a Lei 11/2007, galega para a prevención e o tratamento integral da violencia de xénero, modificada pola Lei 12/2016, do 22 de xullo, establece no seu artigo 6 que o departamento competente en materia de igualdade, en coordinación cos restantes departamentos da Xunta de Galicia, porá en marcha de xeito periódico, campañas de información e sensibilización que teñan como obxectivo mudar os estereotipos sexistas, e que incidan no rexeitamento social sobre todas as formas de violencia de xénero. No mesmo artigo 6 tamén se establece que a Xunta de Galicia levará a cabo accións de sensibilización dirixidas á poboación masculina, que incida na necesidade de promover unha sociedade máis igualitaria entre muller e homes.

Quinto

Que a Disposición Adicional Segunda da Lei 11/2007, galega para a prevención e o tratamento integral da violencia de xénero, modificada pola Lei 12/2016, do 22 de xullo, establece que o Goberno da Xunta de Galicia impulsará a formalización de Convenios interinstitucionais de coordinación entre as diversas instancias e administracións públicas con competencia no ámbito da violencia de xénero, que sirvan de canle de actuación e colaboración para conseguir, entre outros, no ámbito social, unha atención integral e coordinada ás mulleres que sofren violencia de xénero.



XUNTA DE GALICIA



Sexto

Que o Colexio Oficial de Administradores de Fincas de Galicia (COAFGA), segundo o disposto no artigo 1 dos seus estatutos, constitúese como unha corporación de dereito público, con personalidade xurídica propia. Así mesmo, no artigo 59 dos seus Estatutos recóllese entre as finalidades básicas de COAFGA, a de “procurar manter a mellora a relación e convivencia entre as persoas propietarias” nas comunidades que administran.

Sétimo

Que AGAXEN, Asociación Galega de Profesionais da Auditoría Sociolaboral de Xénero e da Prevención do Acoso e da Violencia de Xénero nas Organizacións, segundo o disposto nos artigos 1 e 2 dos seus estatutos, constitúese como unha entidade asociativa con personalidade xurídica propia. Así mesmo, no artigo 3 dos seus Estatutos, AGAXEN, Asociación Galega de Profesionais da Auditoría Sociolaboral de Xénero e da Prevención do Acoso e da Violencia de Xénero nas Organizacións recolle entre as súas finalidades básicas as de fomentar o interese polo estudo e investigación en materias socio-laborais e de xénero, prevención do acoso laboral, sexual e por razón de sexo, e prevención da violencia de xénero, así como calquera outra discriminación ilícita no ámbito do traballo.

Oitavo

Que a violencia que nas súas distintas formas se exerce contra as mulleres supón un serio atentado contra a dignidade e a integridade física, psíquica e moral destas e, en consecuencia, unha grave e intolerable violación dos dereitos humanos. A súa prevención e erradicación compete aos poderes públicos, que teñen a obriga de articular medidas de sensibilización, asesoramento, atención e protección ás mulleres que a sofren.



XUNTA DE GALICIA



A violencia de xénero é un delito en moitos casos invisible, que en numerosas ocasións ten lugar na intimidade dos fogares, polo que a colaboración de todos os axentes, entidades e persoas é clave para a súa detección e para ofrecer axuda ás súas vítimas.

Noveno

Que o Convenio de Istambul, que entrou en vigor de forma xeral e para España o 1 de agosto de 2014, recolle no seu artigo 9 que os Estados membros fomentarán e apoiarán a todos os niveis, o traballo das Organizacións non Gobernamentais pertinentes e da sociedade civil que sexan activas na loita contra a violencia contra as mulleres, e establecerán unha cooperación efectiva con ditas organizacións

Por un lado, dado o contacto tan directo que as persoas colexiadas integradas en COAFGA que se dedican profesionalmente á Administración de fincas teñen cos propietarios e propietarias dos inmobles nos que desenvolven as súas tarefas, que os coloca nunha situación privilexiada para transmitir información á veciñanza,

Por outro lado, dado o papel tan activo na prevención e loita contra a violencia de xénero que AGAXEN, Asociación Galega de Profesionais da Auditoría Sociolaboral de Xénero e da Prevención do Acoso e da Violencia de Xénero nas Organizacións está a levar a cabo en Galicia, fundamentalmente no ámbito de empresa e as organizacións laborais,

A Vicepresidencia e Consellería de Presidencia, Administracións Públicas e Xustiza, a través da Secretaría Xeral da Igualdade, estima de interese público establecer una liña de traballo conxunto con ambas entidades, e propónse a colaboración co Colexio Oficial de Administradores de Fincas de Galicia (COAFGA) e co AGAXEN, Asociación Galega de



XUNTA DE GALICIA



Profesionais da Auditoría Sociolaboral de Xénero e da Prevención do Acoso e da Violencia de Xénero nas Organizacións para canalizar o dito interese.

Por todo o indicado, todas as partes acordan formalizar o presente Convenio de Colaboración, que se rexerá conforme ao disposto nas seguintes:

CLÁUSULAS

PRIMEIRA.- Obxecto e finalidade.

O obxecto deste Convenio é establecer as condicións polas que se rexerá a colaboración entre a Vicepresidencia e Consellería de Presidencia, Administracións Públicas e Xustiza, a través da Secretaría Xeral da Igualdade, o Colexio Oficial de Administradores de Fincas de Galicia (COAFGA) e AGAXEN, Asociación Galega de Profesionais da Auditoría Sociolaboral de Xénero e da Prevención do Acoso e da Violencia de Xénero nas Organizacións, para o apoio na prevención e detección de situacións de violencia de xénero entre as comunidades de propietarios e propietarias nas que estean presentes os administradores e administradoras de fincas colexiados/as por mor do seu exercicio profesional, así como na distribución e difusión do material informativo e de sensibilización a prol da eliminación da violencia contra as mulleres que se elabore conxuntamente entre as entidades e a Secretaría Xeral da Igualdade, ou que este departamento poña á súa disposición, coa finalidade de procurar a maior difusión posible da mesmo.

O carácter singular do presente Convenio, ven determinado por razóns de interese público, e cómpre sinalar que na nosa Comunidade Autónoma, só no pasado ano 2017, máis de 1.600 mulleres foron vítimas directas da violencia de xénero, 2 delas con resultado de



XUNTA DE GALICIA



morte, así como 1 menor, o que fai evidente o interese social e humanitario de calquera acción que se dirixa a previr e detectar a violencia contra as mulleres, e a apoiar ás súas vítimas, e leva á Vicepresidencia e Consellería de Presidencia, Administracións Públicas e Xustiza, a través da Secretaría Xeral da Igualdade, a establecer a presente colaboración.

SEGUNDA.-Compromisos das partes.

a) A Vicepresidencia e Consellería de Presidencia, Administracións Públicas e Xustiza, a través da Secretaría xeral da Igualdade, comprométese a facilitar o material informativo e de sensibilización a prol da eliminación da violencia de xénero e do acoso sexual que elabore, ao Colexio Oficial de Administradores de Fincas de Galicia (COAFGA) e AGAXEN, Asociación Galega de Profesionais da Auditoría Sociolaboral de Xénero e da Prevención do Acoso e da Violencia de Xénero nas Organizacións, así como a poñer á súa disposición persoal técnico especializado para a coordinación conxunta de actuacións e para a elaboración de contidos para accións formativas sobre violencia de xénero e prevención do acoso sexual a incluír no seus programas de formación se é o caso, de xeito que permita ás e a aos profesionais membros de ambas organizacións ampliar os seus coñecementos ao respecto e coñecer pautas de actuación.

b) O Colexio Oficial de Administradores de Fincas de Galicia (COAFGA) comprométese a facilitar ás comunidades de propietarios e propietarias tanta información lle sexa requirida en relación á prevención e detección de situacións de violencia de xénero e do acoso sexual, así como a distribuír e difundir por distintos medios (físicos, portais web, redes sociais, etc) entre todos os seus colexiados, o material que se elabore no marco da colaboración establecida neste Convenio, así como aquel outro que a Secretaría Xeral da Igualdade poña á súa disposición, colocando o dito material en lugares visibles e accesibles para as persoas que integran as comunidades de propietarios e propietarias que



XUNTA DE GALICIA



administran, coa finalidade de procurar a maior difusión posible do mesmo, e contribuír á sensibilización social no rexeitamento conxunto da violencia de xénero e do acoso sexual.

c) AGAXEN, Asociación Galega de Profesionais da Auditoría Sociolaboral de Xénero e da Prevención do Acoso e da Violencia de Xénero nas Organizacións, comprométese igualmente a facilitar tanta información lle sexa requirida en relación á prevención e detección de situacións de violencia de xénero e do acoso sexual, a difundir esta iniciativa entre todas as persoas que a integran, as entidades públicas o privadas coas que teñan relacións, e contribuír mediante a sensibilización social nos diferentes ámbitos nos que está presente. no rexeitamento da violencia de xénero, apoiando ademais na difusión do material informativo que se puidese facilitar por parte da Secretaría Xeral da Igualdade e facilitando contidos específicos sobre a violencia de xénero nas contornas de traballo.

TERCEIRA.- Financiamento.

Para a execución das actividades que leva consigo o desenvolvemento deste Convenio, a Vicepresidencia e Consellería de Presidencia, Administracións Públicas e Xustiza, a través da Secretaría xeral da Igualdade, articulará os instrumentos axeitados para sufragar o seu custo, mediante os mecanismo que se considere oportuno conforme a dereito.

CUARTA.-Duración.

O presente Convenio producirá efectos a partir da súa sinatura e ata o 31 de decembro de 2018.

QUINTA.- Inexistencia de relación laboral

A subscrición do presente Convenio non implicará relación laboral ou de calquera outra natureza entre as persoas ou profesionais que desenvolvan as accións que constitúen o seu



XUNTA DE GALICIA



obxecto dependentes do Colexio Oficial de Administradores de Fincas de Galicia (COAFGA) ou da AGAXEN, Asociación Galega de Profesionais da Auditoría Sociolaboral de Xénero e da Prevención do Acoso e da Violencia de Xénero nas Organizacións, e a Vicepresidencia e Consellería de Presidencia, Administracións Públicas e Xustiza (Secretaría Xeral da Igualdade) de tal xeito que, por este concepto, non se lle poderá esixir a este departamento ningunha responsabilidade directa nin subsidiaria.

SEXTA.-Causas de extinción.

Será causa de extinción deste Convenio

- a) O incumprimento inxustificado, total ou parcial, dos compromisos establecidos.
- b) O mutuo acordo, que deberá ser motivado e manifestado por escrito antes da finalización do Convenio
- c) A desaparición das causas que motivaron a sinatura do Convenio.
- d) A finalización da vixencia.

SÉTIMA.- Protección de datos

O Colexio Oficial de Administradores de Fincas de Galicia (COAFGA) e AGAXEN, Asociación Galega de Profesionais da Auditoría Sociolaboral de Xénero e da Prevención do Acoso e da Violencia de Xénero nas Organizacións quedan obrigada a gardar o segredo profesional respecto aos datos de carácter persoal das persoas usuarias das actuacións previstas neste Convenio dos que puidesen ter coñecemento, tanto dos contidos en ficheiros automatizados se fora o caso, como dos rexistrados en soportes físicos susceptibles de tratamento automatizado. Esta obriga subsistirá aínda cando finalice a súa colaboración coa Vicepresidencia e Consellería de Presidencia, Administracións Públicas e Xustiza, de acordo co establecido no Regulamento (UE) 2016/679 do Parlamento Europeo



XUNTA DE GALICIA



e do Consello de 27 de abril de 2016, relativo á protección das persoas físicas no que respecta ao tratamento de datos persoais (Regulamento Xeral de protección de datos) e demais normativa concordante.

OITAVA.- Publicidade.

Este Convenio será obxecto de publicación de conformidade co previsto no artigo 15 da Lei 1/2016, do 18 de xaneiro, de transparencia e bo goberno.

As partes asinantes do presente Convenio comprométense a destacar nas actividades que se realicen para a difusión das accións previstas no Convenio, a colaboración prestada polas outras partes asinantes.

NOVENA.- Seguimento e Control.

As cuestións litixiosas xurdidas da interpretación, desenvolvemento e aplicación do Convenio serán resoltas pola Vicepresidencia e Consellería de Presidencia, Administracións Públicas e Xustiza, poñendo os seus acordos fin á vía administrativa. Contra estes acordos poderase proceder de conformidade co disposto no artigo 112 da Lei 39/2015, do 1 de outubro, do Procedemento Administrativo Común das Administracións Públicas, ou interpoñer recurso contencioso-administrativo ante o Tribunal Superior de Xustiza de Galicia, de conformidade co disposto na Lei 29/1998, do 13 de xullo, reguladora da xurisdicción contencioso-administrativa.

Para o seguimento da súa execución ou coñecemento de calquera cuestión sobre a súa interpretación, modificación, resolución ou efectos do mesmo que poidan xurdir, créase unha comisión mixta, que estará integrada por:

- Pola Vicepresidencia e Consellería de Presidencia, Administracións Públicas e Xustiza: A Secretaria xeral da Igualdade, que poderá dispor que a substitúa algún/ha funcionario/a desa Secretaría.



XUNTA DE GALICIA



- Polo Colexio Oficial de Administradores de Fincas de Galicia (COAFGA), o seu Presidente persoa que este dispoña para que a substitúa.
- Pola AGAXEN, Asociación Galega de Profesionais da Auditoría Sociolaboral de Xénero e da Prevención do Acoso e da Violencia de Xénero nas Organizacións, a seu Presidenta ou persoa que esta dispoña para que a substitúa.

E, en proba de conformidade cos termos do Convenio, as partes comparecentes asinan e rubrican por triplicado e a un só efecto, no lugar e data arriba indicados.

O VICEPRESIDENTE E CONSELLEIRO DE
PRESIDENCIA, ADMINISTRACIÓN PÚBLICAS
E XUSTIZA

P.D. (Orde do 29 de decembro de 2017)
A SECRETARIA XERAL DA IGUALDADE

Susana López Abella

O PRESIDENTE DO COLEXIO OFICIAL DE
ADMINISTRADORES DE FINCAS DE GALICIA

A PRESIDENTA DE AGAXEN

D Martín Bermúdez de la Puente González del Valle,

Dña María Ángeles García Pérez

